



Future-proofing our children

Sikolo sa la Sunda - Sitopa sa Pili

Toho ya Tuto

Peu ni limela

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto yeli “**Peu ni limela**” ya Sikolo sa la Sunda ya Sitopa sa Pili.
Pampili ye I mi fa liseli-nyana ka mo mu kona ku lutela tuto ye.

Mukwa mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye:

Muhato	Sa ku eza
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSH5</p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekiseba ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto za Bibebe ni Tiisezo)</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



Mufe tuto ya Sikolo sa la Sunda sa mwa Malapa

Mukwa mo ku swanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa ku eza
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha ku amana ni Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.



Tuto

Tuho ya Tuto	Peu ni limela
Palo ya linzwi	Genese 1: 11-13, 20-25

Muhato/butokwa bwa Tuto	Banana ba ituta ku ba ni likuta ku Mulimu mubupi wa ze pila kaufela. Ba utwisisa kuli Mulimu u lukisize lisaba ni lico za ze pila kaufela. Mi U bona hape kuli kaufela za bukelezwa mi li tisa masika.
--------------------------------	--

Tuto ye kusufaliswe:

- Kana mwa hupula kuli mwa tuto ya luna ye felile ne lu itutile kuli ka pupo ya Mulimu lu kona ku eza simu ya luna beñi nji?
- Kacenu lu ka ambola za limela, kuli li zwa kai ni kuli li sebeliswa sikamañi.
- Buñata bwa limela bu zwa fa peu.
- Ki mufuta-futa ya limela, mi silela ni simela si na ni peu ya sona.
- Peu ye ñwi ki ye nyinyani hahulu, kono i mela ni ku ba kota ye tuna-tuna.
- Haiba u tokwa ku ba ni simunyana, u ka tokwa peu kuli u cale.
- Simela ni simela si tokwa buino bo bu ñwi kuli si mele hande, sina mayemo a lihalimu, ni mufuta wa mubu.
- Pili u cala peu, u na ni ku lukisa hande mubu, ni ku ziba kuli peu i kauhana cwañi ni kuli u ya mwa mubu butelele bo bu kuma kai.
- Peu i tokwa mezi a mañata ili kuli i hule ku ba simela se si tiile.
- U tokwa ku ba ni pilutelele ku libelele ku mela kwa peu.
- Kasamulaho wa mazazinyana, u ka lemuha mitungo ye mi tala fa halimua mubu.
- Ha u ka shalimisisa simunyana ya hao, u ka lemuha mifuta-futa ya likokwani ze cwale ka sibuku.
- U si ke ku li bulaya, kakuli li pila ku ca matali a limela za hae.
- Mulimu u li ezize cwalo kuli li pile feela matali a limela ze ñwi.
- Haiba u ba ni pilutelele, u ka ba ni simunyana ya lipalisa ze nde ni likokwani ze tezi tabo zeo kayfela li ezizwe ki Mulimu.



Tuto ye italusa sika mañi ku luna kacenu?

- Mulimu u ezize kunutu ya bupilo mwa peu, kuli ku yona peu ku zwe fa teñi simela.
- Mulimu u bukelelize limela kaufela ka peu.
- Batu ba cala ni ku babalela limela, kono mbuyoti ya Mulimu i tisa kuli li hule hande.
- Peu ye cwale ka buloto, manawa ni mbonyi ki lico za lifolofolo ni batu.
- Buñata bwa limela ne li ezelizwe ku ba lico za lifolofolo ni batu.
- Ni haiba sibuku se si nyinyani se si sabisa, Mulimu u si ezize ka libaka le li ipitezi.
- Lu kuteke pupo ya Mulimu ka ku babalela limela ze mwa simunyana ya luna, ni ku sa bulaya sibuku se si mwa teñi.
- Haiba luna sina ka batu lu babalela limela, lu ka ba ni sa ku ca kamita.

Zeñwi za lipuzo zeo lu kona ku buza

1. **Kana u kona ku fa mabizo a likani a lifolofolo zeo li ca limela nji?**
Kalabo: ze ñata – sikulula mwan'a hao
2. **Kanti peu i tokwa sika mañi kuli i kone ku mela?**
Kalabo: mubu wo munde, mezi, lizazi
3. **Kiñi kanti ha lu tokwa limela?**
Kalabo: lico, muluti, lipalisa mwa keleke – mu teezeze kwa likalabo za mwan'a mina

Tapelo ya Bondate ni Boma ye fiwa pili tuto i si ka tateka:

Mulimu ya lateha. Lwa itumela kwa lizazi la kacenu

Fuyola bashemi ni banana ba luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

Lwa kupa, ulu lute mo lu swanela kuku sebeleza

Mi ulutuse ku eza tato ya Hao

Kuli lu hule mwa kuba bukaufi ni wena

Luma Jesu ato lunga

Mi ulutuse kuba baba itukiselize ku mukatanyeza - Amen